



Broj: 01-04-2076-21/20
Sarajevo, 9.3.2020. godine

SKUPŠTINA KANTONA SARAJEVO **Zamjenica predsjedavajuće Skupštine Kantona Sarajevo**

Predmet: Odgovor na zastupničko pitanje zastupnice Neire Dizdarević

Zastupnica Neira Dizdarević na 18. radnoj sjednici Skupštine Kantona Sarajevo, održanoj dana 23.01.2020. godine, u okviru tačke dnevnog reda „Poslanička pitanja, inicijative i odgovori“, a u skladu sa članovima 211. i 214. Poslovnika Skupštine Kantona Sarajevo postavila je **zastupničko pitanje**:

"Molim Vladu KS, Ministarstvo privrede, Upravu za šumarstvo KS da me obavjeste o stanju prašuma na području Bjelašnice i Igmana, poduzetim aktivnostima na njihovoj zaštiti i planovima za budućnost."

Odgovor:

Prašume su šume koje su se od svog nastanka razvijale potpuno prirodnim putem. Prašuma „Ravna vala“ na planini Igman se nalazi u obuhvatu odjela 106 G.J. „Igman“ sa slijedećim osnovnim karakteristikama: površina 45,1 ha, nadmorske visine od 1350 do 1400 m, geološka podloga i tipovi zemljišta: rendzina na morenskim nanosima, smeđe i ilimerizovano zemljište na jedrim krečnjacima-dolomitima, asocijacija: Abieti-Fagetum dinaricum Freg. 1957., drvena zaliha: 683.27 m³/ha, omjer smjese: jela 0,67, smrča 0,03, bukva 0,27, plemeniti lišćari 0,03. Prašuma ima izvanredan značaj naučnog, stručnog i obrazovnog karaktera.

Ministarstvo privrede - Uprava za šumarstvo Kantona Sarajevo je u okviru Programa utroška namjenskih sredstava u oblasti šumarstva iz Budžeta Kantona Sarajevo za provođenje šumsko-uzgojnih radova i radova na zaštiti šuma na području Kantona Sarajevo za 2018. godinu, nakon provedene procedure javnog poziva, finansirala projekat „Realizacija programa, mjera i aktivnosti za stručno-šumarsko uređenje, očuvanje i multidisciplinarno korištenje prašume "Ravna vala" G.J. "Igman". Realizator projekta je KJP "Sarajevo šume" d.o.o. Sarajevo. Postupak javne nabavke usljed žalbi je ponovljen. Projekat je u završnoj fazi realizacije.



Cilj ovog projekta je definisati mjere i aktivnosti kojima bi se omogućila zaštita i unapređenje i plansko multidisciplinarno korištenje prašumskog sadržaja "Ravna vala". Očekivani rezultat projekta je i stvaranje optimalnih uslova za približavanje prašume široj populaciji uz uvažavanje i zaštitu svih njenih polivalentnih funkcija. Poseban aspekt projekta je edukativni karakter u smislu obrazovnih predavanja na licu mjesta u cilju jačanja svijesti bioekološkog značaja, naročito kod mladih kategorija stanovništva. Važan cilj je i jačanje turističke ponude Kantona Sarajevo u smislu prašume "Ravna vala" kao raritetne destinacije na ovom i širem području Jugoistočne Evrope.

Navedeno pitanje je postavljeno u mandatu prethodnog Ministra te za odgovore za stanja u svom resoru sam odgovoran nakon 3.3.2020. godine od kada sam preuzeo dužnost Ministra privrede Kantona Sarajevo.

S poštovanjem,

Dostavljeno:

1. Naslovu,
2. Vladi Kantona Sarajevo-na znanje,
3. Evidenciji,
4. Arhivi.



web: <http://mp.ks.gov.ba>
e-mail: mp@mp.ks.gov.ba
Tel: + 387 (0) 33 562-121, + 387 (0) 33 562-122
Fax: + 387 (0) 33 562-226
Sarajevo, Reisa Džemaludina Čauševića 1

